



## **Ningittagarsorluni aalisarnermi umiarsuup allattaaviinik immersuinissamut ilitsersuut.**

Nunatsinni angallatit aalisarnermi atortut kivisittakkat atorlugit soorlu ningittakkat, qassutit pullatillu atorlugit aalisartut, ningittarsorluni aalisarnermi umiarsuup allattaaviinik allattuisussaapput. Umiarsuup allattaavii piumasaqarneq malillugu Kalaallit Nunaanni Aalisarsinnaanermut Akuersissutinik Nakkutilliisoqarfimmit (KANUAANA-mit) tunniunneqassapput.

### **Tamanut atuuttut.**

Avataaniinnermi umiarsuup allattaaviinut ullut tamaasa allattuisoqartassaaq, tassa ulluni aalisarfinngitsuni “aalisarfissamut ingerlaarneq” imaluunniit “aalisarfissaqqissorsiorneq” umiarsuup allattaaviinut allanneqartassapput. Ningittakkat, qassutit imaluunniit qimiat pullatitallit ninginneqartut tamarmik allanneqassapput.

Aalisarneq aalisarfimmut allamut nuunneqarpat aamma imaluunniit akuersissut alla atorlugu aalisartoqalerpat umiarsuup allattaaviini quppernermut nutaamut tamatigut nuuttoqartassaaq. (Assersuutigalugu ullup unnuallu ataatsip ingerlanerani aalisarneq Kalaallit Nunaata aalisarnermut oqartussaaffeqarfianit Islandip aalisarnermut oqartussaaffeqarfianut imaluunniit pisassa qarfimmit pisassa qarfimmut allamut nuunneqarpat).

Ulluni aalisarfiusuni tamani umiarsuup allattaaviini qupperneq ataaseq immersorneqassaaq. Quppernermut nutaamut nuuttoqassaaq ningittakkat amerlassusii umiarsuup allattaaviini quppernermi titarnernit amerlanerusimappata.

Udskiftning

P:\GFLK\18 - Personaleadministration\18.16 - Personalehåndbog\Instruks til observatører\Observatørhåndbog\2004\Afsnit 12\Vejledning til udfyldelse af logbog for linefiskeri\_afsnit12B\_GRL.doc



Umiarsuup allattaavii ungaluligaapput quppernerillu tulleriiaartunik normulersugaallutik tulleriinnerilu malillugit atorneqassallutik.

Paasissutissat atuaruminartuussapput nunguterneqarsinnaassanati-llu kuglepeni atorneqassaaq. Paasissutissat eqqunngitsut allanneqarsimappata titarneq tamarmi peerneqassaaq, titarnermilu nutaami allattoqassaaq. Naqqiinnermi bilikki (“Tipp-Ex”) allaluunniit ersi- gunnaarsitsisartoq atorneqassanngilaq. Suna naqqinneqarsimaner- soq takuneqarsinnaasariaqarpoq.

## 1. Umiarsuup allattaaviini quppernermi qulequtaq.

Umiarsuup allattaaviini qulequtaq umiarsuup allattaaviini oqaa- tigineqartutut immersorneqassaaq, immikkut ittumik maluginiar- neqassaaq, “angalanermi” pineqarmat umiarsualivimmit useqarani avalanneq tamakkiisumillu usingiarnissaq siunertaralugu umiarsua- livisseqqinneq. Qaammatisiutit ukiuanni angallatip siullermik angalanera angalaneq 1-mik taaguuserneqassaaq. Ukiortaaq ilan- ngullugu angalasoqarpat angalanerup ilaa tamanna ukiumi nutaami pisoq 0-mik normulerneqassaaq.

Aammattaq:

Qarsorsat ataanni qarsorsap atorneqartup atia FAO-mi naalisaanerit pingasut naapertorlugit (ilanngussami 1-mi nunat tamat akornanni atortut assigiingitsut takukkit) taaneqassaaq. Ningittagarsorluni qaleralinniarnermi FAO-mi naalisaaneq nalinginnaasumik tas- saavoq “LLS”.

Pullatinut tunngatillugu pullatit FPO-mik taaguuteqartut taane- qassapput, pullatillu kalaallinit sanaat atorneqarpata (GRL)

Udskiftning

P:\GFLK\18 - Personaleadministration\18.16 - Personalehåndbog\Instruks til observatører\Observatørhåndbog\2004\Afsnit 12\Vejledning til udfyldelse af logbog for linefiskeri\_afsnit12B\_GRL.doc



imaluunniit canadamiut pullataat pineqarpata (CAN) allanneqassaaq.

- **“Qarsorsat normuat”** -nni taneqassaaq qarsorsap normua (qarsorsap angissusia).
- Qassutitut pullatinnullu tunngatillugu nigartaqqortussuseq taaneqassaaq.
- **“Neqitat”** Neqitat suut (aalisakkat) atorneqarnersut taaneqassaaq.
- **“Imartaq pisassaqarfik”** assersuutigalugu ICES-ip imaluunniit NAFO-p imartaatut taaneqassaaq, aalisarfigineqartoq nunat tamat imartaattut imaluunniit nunatta nammineq imartaatut naatsorsuussaansoq taaneqassaaq. (Nunanut assigiinngitsunut ilanngussami 2-mi ISO-mut naalisaanerit takukkit).
- Assersuutigalugu Tunumi 200 sòmilit iluanni imartaq ateqassaaq GRL/ICESXIVa, kisiannili imartaq pisassaqarfik taanna islandip imartaaniippat ateqassalluni ISL/ICESXIVa. (Takuuk immap assinga ilanngussaq imartanut assigiinngitsunut takussutissiaq).
- **“Aalisarfissaqqissorsiorneq”** matumani aalisakkanik sorlernik aalisarniarneq taaneqassaaq.
- Matumani FAO-p naalisaanera atorneqassaaq (tak. ilanngussaq 3) inissaqarpalli atia tamakkerlugu allanneqarsinnaavoq.

## 2. Aalisarnermi sumiiffik pisallu.

Ullormut ningittakkat, qassutit imaluunniit pullatit normui ilanngullugit taaneqassapput.



- Puttaqutserneq.
- Aalisarnerup aallartiffiata nalunaaqutaa minuttiilu ilanngullugit (UTC) taaneqassaaq, tassani malugeqquneqarpoq aalisarnerup aallartiffiata ullua qulaani umiarsuup allattaaviini taaneqartoq allanneqassammat. Aalisarnerup aallartinnerani sumiiffik allorniusat sanimukartut avannarliit N-mik taallugit aamma allorniusat ammukartut Ø-mik W-milluunniit taallugit kiisalu aallartinnermi itissuseq aamma atortut inissillugit naaneranni itissuseq.
- Qarsorsat qassiuneri. Tassani ningittakkani qarsorsat qassiunerat imaluunniit - pullatit qassiuneri - imaluunniit qassutit qimiaasa tamarmiullutik takissusiat (meterinngorlugu) taaneqassaaq.
- Amorneq aallartippoq.
- Tassani ulloq qaammallu kiisalu atortut qaqqinneqarneranni piffissaq taaneqassaaq. Malugiuk ulloq qaammallu umiarsuup allattaaviini qulequttami ullormit taaneqartumit allaanerusinnaammata.

### **Pisat.**

Pisat ilivitsuullutik uumallutik oqimaassusiat quppernermi ammukartuni atorneqanngitsuni taaneqassaaq. FAO-p aalisakkanut naalisaanera atorneqassaaq (takukkit ilanngussaq 3-mi FAO-p aalisakkanut ilisarnaasiussai). Aalisakkat siusinnerusukkut taaneqarsimasut naqqinneqarsimasut titarneqarsinnaapput allanillu taarserlugit. Pisanit igitat pisanut ilanngullugit nalunaarsorneqassapput angallammiitinneqarlutillu. 50 kg. sinnerlugu saniatigut pisat aam-



mattaaq tamakkununga allaffissianut ammukartunut nalunaarsorneqassapput allanneqassapput.

Amerlassutsit aalisakkat uumallutik oqimaassusiannik kiilulerneqassapput.

Ullormut pisat immersuiffissami immikkoortumi “Pisassaqarfimmi ullormut pisat”-ni katinneqarsinnaapput.

Angallatip naalagaata ullut tamaasa umiarsuup allattaaviini quppernerit immersorneqarsimasut tamaasa atsiortassavai. Angallatip naalagaata atsiormigut paasissutissat taaneqartut pissutsinut piviusunut naapertuunnerat uppernarsassavaa.

## **2.2 Miluumasunik imarmiunik pisat.**

Miluumasunik imarmiunik pisat ajoraluartumik piniutinit pisarineqartut taamatutaaq umiarsuup allattaaviini nalunaarsorneqassapput. Pisat umiarsuup allattaaviini titarnermi atorineqanngitsumi taaneqarsinnaapput ningittakkanut qassutinut atorineqartunut pineqartunut innersuussutigalugit aamma miluumasoq imarmioq pineqartoq sorliunersoq taallugu immaqalu suaassusia ukiuilu, taakku paasineqarsinnaappata.

## **2.3 Umiarsuup allattaaviini quppernernik nassiussineq:**

Umiarsuup allattaaviini quppernerit qaqortut sungaartullu uunga nassiunneqassapput:

**Kalaallit Nunaanni Aalisarsinnaanermut Akuersissutinik Nakkutilliivik  
Postboks 501  
3900 Nuuk**

---

Udskiftning

P:\GFLK\18 - Personleadministration\18.16 - Personlehåndbog\Instruks til observatører\Observatørhåndbog\2004\Afsnit 12\Vejledning til udfyldelse af logbog for linefiskeri\_afsnit12B\_GRL.doc



kingusinnerpaamik usingiaanerup kingorna nalunaaquttap akunerisa 24-it qaangiunneranni.

Umiarsuup allattaaviini qupperneq aappaluttoq angallammiitineqartuartassaaq. Nutsernera tungujortoq umiarsuaatilinnut nas-siunneqarsinnaavoq.

Umiarsuup allattaaviini quppernerit, kukkulluni allattuinerup il.il. kinguneranik atorsinnaajunnaarsitaasut aamma KANUAANA-mut nassiunneqassapput, taamaalilluni umiarsuup allattaaviini quppernerit normuisa tulleriaarnerat allanngortinneqaqqunagu. Umiarsuup allattaaviini qupperneq atortussaaajunnaarsinneqassaaq naqinernik angisuunik qaavatigut “ATORUNNAARPOQ”-mik allaffigineqarneratigut.

---

**Ilanngussaq 1:** Piniutitut assigiinngitsunut FAO-mi naalisaanerit.

**Ilanngussaq 2:** Nunanut/Naalagaaffinnut ISO-mi naalisaanerit.

**Ilanngussaq 3:** Aalisakkanut assigiinngitsunut FAO-mi naalisaanerit.

**Ilanngussaq 4:** Ningittagarsornermi umiarsuup allattaaviinik immersuisarnissamik assersuut.

**Ilanngussaq 5:** Ningittagarsornermi umiarsuup allattaaviinik immersuisarnissamik assersuut.

**Ilanngussaq 6:** Umiarsuup allattaaviini quppernermik “ATORUNNAARSITSINEQ”-mik assersuut.